

湖錄經籍考

湖錄經籍攷卷三

浮玉山人鄭元慶輯

集三

明人詩集

沈夢麟花谿集三卷

何喬新序畧云先生所作詩文卷帙甚多題曰花谿集者因其舊隱而居之也先生卒後子孫遭罹變故謫戍邊鄙而家集散失多矣久之其元孫清舉進士擢刑部主事因奉使南畿過故鄉訪求遺集得詩文若干首手錄以歸旣而遷江西僉事乃請副使同邑陸珩編次成帙又得副使同郡吳瓊

檢其譌舛請大司寇莆陽彭韶序之近又請予序
遂書於末簡

靜志居詩話云原昭元季隱於花谿間劉伯溫曾
相依谿上贈以詩云杜陵老去詩千首陶令歸來
酒一罇及入明雖不受爵而校文閩浙者三同攷
會試者再故孝陵以攷試官目之詩格清穩特少
警拔句

陳援菴軒集

曹孔章集

勞志云孔章字子文長興人父伯淵有志行仕元
至教授孔章少聰慧通五經百氏子史無不究覽

洪武初知府談士奇薦爲烏程教諭升府學教授
聘典江西文衡學者多宗之所著詩文雅尙簡古
有集藏於家

黃野德芸已集

勞志云野德號芸已玠之子也烏程人洪武中以
明經薦爲本府訓導

施德華城南小隱集

勞志云德華烏程人洪武中以明經薦不就結屋
於郡城南號城南小隱經學教授有詩文集行世
子公衍從孫郟安皆爲御史時人榮之

許德彰潛齋集

勞志云德彰長興人少篤學置別業於弁山藏書數百卷自號潛齋州郡屢辟不就洪武二十八年卒年八十

祁寧集

長興顧志云寧永樂甲申進士爲刑部主事端謹清慎工於詩文以註誤落職家居衣食不足處之泰然

楊復土苴集五十卷

蕭山魏驥序

顧箬溪云魏尙書一代之名臣也素與之交觀其所交可以知其人矣今土苴集親筆稿在生員錢

明仕家取而觀之自見按勞志有詩文二十卷豈
另一集耶

壺敏竹松集二卷

敏字中行宣德中烏青九老之一又有吳松資糧
二卷未知何書

吳煥怡情集

煥字汝文亦九老之一

汪翁善含翠集

景陵縣志云翁善正統間爲教諭時學廟敝甚善
與主簿喬著協力修葺捐俸倡先正德間士人祠
之知州李濂牒云官寒而修學宇世遠而起士思

太原圖經云翁善論著尙平易不事雕刻

烏程劉志云翁善字復初號愛松爲族叔御史緩
之後御史以遠謫病侍湯藥艱關百苦中不少弛
初授舒城訓導終太原教授造士多所興起聘雲
南試人服其公長于詩文有含翠集藏于家

周經墓表云善永樂癸卯鄉試宣德庚戌會試中
一榜歷舒城訓導將樂景陵教諭升太原教授致
仕家居號茗溪歸叟日與鄉賢達開茗溪詩社徧
游泉石臨終猶口占絕句云初春一臥到深秋無
復茗溪溪上游惆悵夜闌吟始就朗然飛夢到元
洲遂瞑然自失

唐禮萬竹山房集

前溪逸志云禮字敬身正統時舉賢良歷官饒州同知能書有文集法帖行世

沈彬蘭軒集五卷

龍屏山人周維新序武陵楊鶴較刊

龐正干城集

家譜云干城集策論詩文頌啟約三百餘篇

陳秉中友檜集三十卷

裔孫貢述云公爲文務以理勝詩亦沖淡溫厚

閔珪莊懿公集三十卷

從孫如霖序略云公際憲祖孝考兩朝重熙累治

坐致太平四十餘年故其發言垂論每持大體不務苛細宣之詩聲和平渾厚不假雕琢不事激烈退朝之暇時與西涯方石木諸老賡唱迭和雖其卽事玩景托物起興以鳴一時之盛要皆有關於世道補於風教而非徒一家之私言也豈詩人騷客纖詞繪句可得同日語歟

陳文朴庵歸休稿

黃氏書目云文長興人溫州指揮同知以征閩功升浙江都指揮僉事成化初升總督兩浙漕運

徐九思一齋文集

勞志云九思字一卿號一齋德清人成化丙戌進

士授工部主事轉郎中懋有聲譽升南京右通政致仕

德清陳志云九思超拜南京右通政言者論其遷驟因引歸出都之日行李蕭然圖書掩篋而已里居食貧守約詩文不失矩度年八十二卒

吳瓊桂西稿

菰城文獻云瓊字懷德烏程人有俊才成化己丑進士歷刑部郎中江西副使明于決獄以忤權貴歸詩文清麗著有桂西稿藏于家

孝宗實錄云弘治十二年十月癸巳江西副使吳瓊嘗延南昌學士劉希孟教其子希孟因與瓊家

人招權取賄事聞上命刑部往會御史鞠之以璦
知情與家人同罪擬贖徒仍冠帶閑住

沈清一齋稿

沈溥蘋洲集八卷

胡瑄木山居士集兩廡江湖集

德清陳志云瑄喜吟咏善屬文於一時流輩中亦
才俊者

韋厚翠屏集四卷

顧應祥跋云予自髫年卽知前輩有原載韋先生
者其行誼端峻其居官廉潔實吾鄉之望也厥嗣
少參南荅君繼起進士服官中外卓有乃翁之風

予得而交焉一日出所藏翠屏集一帙以示皆先生所爲詩若文固一時應酬登臨寄興之作然皆出自肺腑冲淡典雅雋永有味雖專門名家亦不能過觀是集可以知其人矣然而求先生之全者又當攷其行而不專於言也南荅復請予一言爲序予曰南坦司空旣序之詳矣復何言遂書數語於末簡

張淵鴻墩集

子靜所居鴻墩去雙林不遠吾友凌桂萼近輯雙林志採其詩文最多

陳忱瓦缶集覽勝紀游集

陳霖四山集二十卷

蔡中孚粹玉山房集

陳霆水南集三十四卷

鰲峯徐氏書目有兩山集十卷

顧應祥崇雅堂集十四卷

朱國禎序略云世廟盛時我湖致仕兩尚書爲箬溪顧公恭靖蔣公同時以寓公並高者清惠劉公三公表表大節具在國史文章不務雕鏤直書胸臆感時憂事哀故憐新率其所之自成條理又優游泉石觴咏湖山人品既超天籟自發片紙殘柬寶若金石捧爲著龜又若雷霆震赫臨之猗與盛矣顧典刑日遠富有日新滔滔不返司世道者從

先是急彙刻清惠集以示風埋土之玉散塵之珠
一朝剖貫人心躍然于是箬溪公孫曲靖守嗣衍
訂公舊集命序于楨公集凡十四卷其尺牘視清
惠少遜而意已盡餘文有過無不及焉嘗竊品之
我湖二百年文章之盛清惠泰山喬嶽也顧公景
星慶雲也後乎此者木鐘臺收其大成青蘿館白
華樓揚其丰烈盡之矣惜也不得恭靖集而讀之
徐中行狀云公著作雖不刻意求工然亦皆有矩
矱社中嘗評其詩似白少傅奏表似蘇文忠筆札
似趙文敏而公顧夷然不欲以才藝自居

陳汝玉集

呂柟序略云陳將軍思古汝玉承祖父之業起一
旅三十年而至上將握金印橫紫綬於腰呼吸百
萬可謂至富貴權寵矣然節財愛土訥訥如不出
口羞稱功伐至以盛滿爲憂豈所謂居寵思危不
溺于富貴者乎雖古名將有不可企而及之者是
宜傳其集以示四方 按師古名璠安吉荆溪鄉
人也明初都督同知陳翼之孫

施儒西亭集六卷

閔如霖選沈節甫重選安成鄒善序

吳興名賢續錄云儒文簡潔清爽詩尙清逸

見聞雜記云西亭公遺文及詩篇讀之眞前輩人

物與郡邑諸公書論時事皆耿耿古道如師訓其子弟絕無依阿柔媚之氣聞公每入城太守萬公必設飴果肴率真意不在酒在乎蒼生利弊間也遙想休風令人歎息

費鏜東湖集

鏜字振伯號東湖歸安人世居菱湖正德丙子舉于鄉連州知州致仕呂涇野送東湖序有云君子以行爲先以言爲後以明經爲重議經爲輕歸安費振伯蓋有志于是矣嘗過鷺峯東所論學輒能引經据傳有古宿儒之風予甚敬焉則其人品可知矣

韋商臣南荅集一卷

陳良謨天目山房稿

呂柟序略云棟梧子天性孝友博學能文章見善而能好見惡而遽絕歷仕禮兵刑工四曹皆以清謹明公見稱蓋有志于聖人之徒者也

吳琬環山樓集六卷

徐溥雪漁集五十卷

長興徐氏家譜云溥字時濟號雪漁有宏博之才嘗與修孝廟實錄與吳村泉友善凡其著作必經溥手乃敢行世詩文最多

吳廉集十八卷